

Bouxxvunz gwn raemx caeuq haeux ndaw rungh sengmaj, vanzlij baenzneix gyaex ndaw rungh. Hoeng, daengz 80 nienzdaih, mbauqcoz ndaw rungh hainduj byaij ok rungh daeuj, daengz baihrog bae roemx seiqgyaiq.

Yienghneix, daengx mbanj cij lw bouxlaux caeuq lwgnyez lo. Bouxlaux ganq diegnaz swheij ndaem baenzciuh, ngoenznaengz gaem faggvak, youq ndaw naz guhhong, soundaej sinhoj caeuq maqmuengh seiqgeiq bi he.

Bouxlaux ngoenznaengz daeng-ngoenz okdaeuj lo couh guhhong, daengngoenz doek bya ngamq dauqma. Gyoengqde gwed aen daeng-ngoenz ndaw rungh, gwed gij goj ndaw rungh, dawz lan, dawz gaiq naz swheij. Ndawsim gyoengq bouxlaux itcig siengj lwgsai swheij, niemh

saujvwuz

Vunz Ndaw Rungh

山 里 人

□ **Hij Sanyoz**

lwgsai dwk dienhvah dauqdaeuj ranz cam gvaq ndaej ndei mbouj ndei……

Lwgnyez dwg gorangz ndoeng-cuk, moix ngoenz maj hwnj hoh ndeu. Hoengheiq ndaw rungh singi-sien, vanzging gyaundeit ciengx ndaej aen singcingz gyoengqde gig gvaigvet. Caengz bae hagdangz, baenzngoenz humx dwk bouxlaux guhcaemz. Seizhah, gyoengq lwgnyez

daegbied maij caemz raemx, gyoengqde youq ndaw dah diegcoj swiqndang, youq henz dah laeb hwnj bauqdaiz, gonh raemx doxdwk.

Daengz gvaq cieng, gyoengq lwg caeuq lwgbawx dauqma lo. Gyoengqde gwed daeh hung daeh iq dauqma, caemhcaiq lij daiq ngaenz dauqma. Ranzranz gaj mou gaj yiengz, goenghoh daengx ranz

doxcomz. Moix ranz youq bakdou song henz nem doiq, venj daeng-loengz hoengz, cuengq bauqreng, cunz caencik baengzyoux, nauhyied dangqmaz.

Bouxlaux, lwgsai, lwgbawx, lwgnyez habbaenz bang vunz gig hung he, buet youq gwnz roen geij cien bi mbouj bienq. Mboujgvaq, mboujguenj gyoengqde bae daengz gizlawz, gyoengqde cungj lumz mbouj ndaej diegcoj swheij. Lauheiq mbawfaex loenq dwg cungj gyaundeit swhyienz, haujlai vunz ok rog bae, cungj dawz ngauez diegcoj cuengq haeuj ndawsim bae. Mboujguenj gyoengqde mingzdaeuz gig hung, louz diegcoj youq ndawsim gyoengqde dwg boi raemx ndaej gaj hozhat, ciengxlwenx youq ndaw ndang swheij diuq dwk, riuzdoengh dwk……




Gou miz boux doengzhag ndeu, de daiq aen nganxiuq nanwt he, baenzngoenz boemz youq gwnz daiz sij cozyez. Mingzcoh de gou gaenq geiq mbouj ndaej lo, mboujgvaq, dou youq raeblaeng de cungj heuh de guh “daih’it mingz”. Aenvih mwh doeg gauhcungh, moix baez gaujsi de cungj ndaej daih’it mingz.

Miz baez mohnij gaujsi ndeu sat le, mbawbuengj baizvih hoengzfwg nem youq bakdou gyausiz giz cei lwenqda haenx, roengzdangz seiz, gou caeuq de itheij bae diengzhaex, byaij

gvaq bakdou gyausiz seiz, gou haeujsim daengz daih’it mingz gaenq vuenh aen mingzcoh boux doengzgag wng hwnjbae lo. Mwh gou daj diengzhaex dauqma, de lij soengz youq gizhaenx yawj dwk, lienz doengh cungj mbouj doengh, lumj duzyou nei mwnhswd, ndaw da de gig haemzndaenq gig dahoengz.

Gvaqlaeng, de itcig cingsaenz moengzloengz, lienz haeuxngaiz haeuxcaeuz cungj mbouj gwn. Banngaiz daengz bancaeuz itcig guh cozyez.



Ngoenzhaenx, daengngoenz aeng lumj feiz. Gou lumj bingzciengz nei bin hwnj 5 laeuz yangzdaiz bae yawj funghgingj, cuengqsoeng aensim. De hix boemz youq gwnz yangzdaiz, gyauej cix ngaem roengz bakaek bae. Gwnz diegdangz miz doiq baengzyoux iq ndeu cingq fwngz gaem fwngz buet dwk. Aen huzraemx rog hagdangz lumj aengingq nei ronghmyebmyeb, geij-

cib duz roegcaeuq mbin youq gwnzmbwn.

Gou cienqndang yaek lizhai. sawqmwh, henz ndang gou lumjnaeuz miz duz roeghau hung ndeu bongh doek roengz laj laeuz bae. Danhseih…… “Daih’it mingz” cix ciengxlwenx dwg daih’it mingz lo.

Doeklaeng, hagdangz cuengqgyaj sam ngoenz.

Guengjsae byaij haeuj 70 nienzdaih le, nungzyez aeu yungh vafeiz bienq ndaej yied daeuj yied lai. Moix bi haicin, gak aen swnghecanjdui caeuq vunz lai seyenx cungj da yawj duepduer dwk caj gungsiuhse gunghawj vafeiz, aenvih neix dwg aen vwndiz hung gvendaengz bineix haeux caeuq doenghgo dajgai ndaej mbouj ndaej demcanj ndeu. Hoeng, aenvih Guengjsae binaengz daj ndaw giva guekgya faenboiq faen ndaej vafeiz gig noix, swcigih ne youh mbouj miz gij cangj vafeiz hung bonjfaenh, daj guekrog cawx ma caemh nanz, ndigah ciengzciengz hawj vunz lai saetmuengh, vunz lai doiq gijneix yigen gig lai.

Gyoengq goengdaeuz swcigih ginggvaq nyinhcaen ngeixyaeng, cawz cungdenj fazcanj Liujcouh Vafeiz-cangj caeuq Hozciz Danfeizcangj le, gietdingh youq daengx gih daihlig fazcanj vafeizcangj iq. Veiz Gozcingh

naeuz: “Guh vafeizcangj iq, gij yienh miz diuzgient haenx ne gag bae guh, gij yienh mbouj miz diuzgient haenx ne youz digih doengjit bae guh.”

Bi 1973, swcigih laebbaenz le aen lingjdauj siujcuj dazyinx vafeiz-cangj iq, doiq gij vafeizcangj iq bae rom ngaenzgoek, gunghawj yienzliuh, faenboiq canjbij daengj cungj guh gidij baijbouh liux bae. Youq cauh sezbei gwnzde, sien comz ndaw swcigih 54 aen gihgaicangj hwnj-daeuj gonq, doxgap cauhguh 15 dauq sezbei baenzdauq bi ok 3000 dunh hozcwngzanx veican ndeu; riengzdwk

youh youz Guengjsae daezgung nyuenz caizliuh, caeuq Sanghaij doxgap cauh 28 dauq sezbei baenz-dauq vafeizcangj iq haenx.

Aenvih vafeizcangj iq roengz-ngaenz noix, hwnjguh seizgan dinj, guh baenz le gag cauh gag yungh, caiq gyahwnj vafeiz yungh meiz gaenq miz baujcingq, ndigah, gak digih, yienh cungj gig cizgiz banh vafeizcangj iq. Daengz bi 1975, Guengjsae bi ok vafeiz ndaej 20.17 fanh dunh (ciet 100%).

Seiq aen veican gunghyez bang nungz, yungh gangdiet, meizdanq,

nungzgih, vafeiz daeuj guh cujyau neiyungz haenx, aenvih noix ging-niemh, youh miz di hozgaenj luenh guh, cauhbaenz miz itdingh saindwi. Hoeng daj cingjdaeuj daeuj gangj, de daiqdoengh le haujlai gunghyez Guengjsae ndaej fazcanj, daezgung le goekdaeuj doxgaiq hawj nungzyez, rom le gingniemh caeuq cauh baenz diuzgient hawj daengzcog guh gij hong gihgaiva nungzyez, ok gvaq rengz laux hawj Guengjsae guh hong ginghci.

(caengz sat)

Veiz Gozcingh Sangcieng Cawj-guenj Guengjsae Ngeihcib Bi

韦 国 清 上 将 主 政 广 西 二 十 年

□ **Hoz Saubangj sij Cinz Siengzcouh Liuz Gingliuj Cinz Siengzgen hoiz**

naeuz: “Guh vafeizcangj iq, gij yienh miz diuzgient haenx ne gag bae guh, gij yienh mbouj miz diuzgient haenx ne youz digih doengjit bae guh.”

youh youz Guengjsae daezgung nyuenz caizliuh, caeuq Sanghaij doxgap cauh 28 dauq sezbei baenz-dauq vafeizcangj iq haenx.

naeuz: “Guh vafeizcangj iq, gij yienh miz diuzgient haenx ne gag bae guh, gij yienh mbouj miz diuzgient haenx ne youz digih doengjit bae guh.”